

Anne secundus idem faciat, si premia desunt?
Sed vigili ratione sagax dum gaudia pensat¹
Vera, voluptatem caute postponit inertem.

- Tercius ingenue bonus egregieque decorus,
15 Te contemplatur, te diligit, aurea virtus.
Malit nempe mori, quam vivens te viduari.
Sunt igitur species ex affectu venientes,
Se quibus effigiant, ut ab ordine discrepet ordo.
Nam quis sollicito dubitet preferre timori
20 Securam spei requiem? sed et ipsa decenter
Ut precellenti venerans assurgit amor.

- Interea pater optimus hec speculatur ab alto,
Cuius iudicii nichil est quod fallat acumen.
'Ille', inquit, 'meus est vernaculus, iste satelles,
25 Hic michi conformis, mea dilectissima proles',
Tunc variis meritis distantia premia librans,
Magna quidem primo tribuit, maiora secundo,
In solo totum confert probitatis amico.

Aliter.

- Tres cause faciunt homines peccata cavere,
Horror supplicii, spes mentis, amor probitatis.
Qui quamvis finem videantur tendere ad unum,
Scilicet ut vitio careant, distant tamen hoc, quod
5 Servulus et miles et regis filius, at qui
Principium timidus, cupidus habet incrementum,
Virtutis totam summam sincerus amator.
At si proficiat timor in spem, spes in amorem,
De servo miles venit, et de milite proles.

- Probra cavet vel flagra pavens, vel premia captans,
Vel virtutis amans; distant ut kalo, satelles,
Rex: duo proficiunt, status est tibi, tercie, summus.
Es schliessen sich daran (S. 154) Verse

De sex gradibus perfectionis.

- Sex gradibus consummatur perfectio casta.
Primo, dum vigiles, fluxum nescire petulcum.
Quem sequitur, lasciva diu non volvere corde.
Tum, ne vel leviter speciem cernendo cupiscas.
5 Quartus erit, nec simpliciter genitale moveri.
Quintus, ob auditum Veneris nil mente vagari.
Ultimus, in sompnis nullo phantasmate ludi.
Hoc sibi nemo rapit, sed Christi gratia prestat.

Dieta vite.

Est tamen observanda diurna medela dietę:
vel liquoris
Libra cibi solidi, simplex emina falerni.

1) sperat Rem.